

右商雒鼎銘者原甫在長安時得之上雒其銘云惟

十有四月旣死霸

一作鬼

至在下都雒公誠作尊鼎用追

享丁于皇且考用氣縻壽萬年無疆子子孫孫永寶

用雒公不知爲何人原甫謂古丁寧通用蓋古字簡

略以意求之則得爾而蔡君謨謂十有四月者何原

父亦不能言也

集古錄

周鼎銘

右鼎銘藏蜀人鄧氏銘有云王格太室即立

鍾鼎款識

乙父鼎

按成湯字天乙後世以乙爲氏鼎是周器也而謂之

乙父者豈其苗裔尚存爲家廟而作邪然則乙其氏